

cium sponte remittente, orta est inter Archiepiscopos & Episcopos de sufficiendo in ejus locum Patriarcha diffensio, tantaque vi in partes rapuit, ut parum abfuerit, quin funesto schismate ab invicem divellerentur. Tuo tamen jussu, utriusque partis rationibus atque momenti exacte perpensis, imperasti ventis & mari, & facta est tranquillitas magna. Decreto enim in Syriam allato, quo legitimum Orthodoxæ genti Patriarcham dedisti, omnes subinde Archiepiscopi, Episcopi, Clerus, & universus Græcorum Melchitarum populus, debitæ in Apostolicam Sedem editis reverentiæ argumentis, omnino acquieverunt.

Hæ sunt itaque, BEATISSIME PATER, potissimæ rationes, cur istud quaecumque est Opus, nomini Tuo nuncupare decreverim, unaque eum me esse publice fateri, qui singularibus a Te sim cumulatus beneficiis. Quod reli-